

Энэхүү тушаалыг Монгол Улсын ХЗДХЯам хянаж,
Улсын бүртгэлд 2009 оны 09-р сарын 28-ны
өдрийн 3076 дугаарт бүртгэсэн.

МОНГОЛ УЛС
ГААЛИЙН ЕРӨНХИЙ ГАЗРЫН
ДАРГЫН ТУШААЛ

2009 оны 05 дугаар 11-ний өдөр

Дугаар 224

Улаанбаатар хот

ШАЛГУУР БАТЛАХ ТУХАЙ

Гаалийн тухай хуулийн 271.1.16 дахь заалт, Гаалийн ерөнхий газрын Мэргэжлийн зөвлөлийн 2008 оны 11 дүгээр сарын 13-ны өдрийн хуралдааны шийдвэрийг үндэслэн ТУШААХ нь:

1. ”Тээвэрлэгч байгууллагад гаалийн итгэмжлэл олгох шалгуур”-ыг 1 дүгээр, “Гаалийн итгэмжлэгдсэн тээвэрлэгч барааг тээвэрлэсэн тухай бүртгэл ”-ийг 2 дугаар хавсралтаар баталсугай.

2. Энэ тушаалын хэрэгжилтэд хяналт тавьж ажиллахыг Дэд дарга /Д.Оюунчимэг/-д даалгасугай.

3. Гаалийн итгэмжлэгдсэн тээвэрлэгчийн “ГИТ” таних тэмдгийг батлагдсан загварын дагуу хэвлүүлэхийг Санхүү, эдийн засгийн хэлтэс /М.Өлзийбат/-т үүрэг болгосугай.

4. Энэ тушаал гарсантай холбогдуулан Гаалийн ерөнхий газрын даргын 2002 оны 613 дугаар тушаалыг хүчингүй болсонд тооцсугай.

5. Энэ тушаалыг 2009 оны 10 дугаар сарын 1-ний өдрөөс эхлэн дагаж мөрдсүгэй.

ДАРГА

Д.ЦЭВЭЭНЖАВ

ТЭЭВЭРЛЭГЧ БАЙГУУЛЛАГАД ГААЛИЙН ИТГЭМЖЛЭЛ ОЛГОХ ШАЛГУУР

Нэг. Үндэслэл

1.1. Гаалийн хяналтад байгаа улс хооронд болон дотоодод дамжуулан өнгөрүүлэх бараа, тээврийн хэрэгслийг гаалийн байгууллагын итгэмжлэгдсэн тээвэрлэгч тээвэрлэнэ.

1.2. Гаалийн байгууллагын тогтоосон шалгуурыг хангаж, гаалийн хууль, тогтоомжийг хэрэгжүүлэхэд гаалийн байгууллагатай хамтран ажиллах тээвэрлэгч байгуулагад гаалийн итгэмжлэл олгоно.

Хоёр. Тээвэрлэгчид итгэмжлэл олгох шалгуур

2.1 Дараах шалгуурыг хангасан аж ахуйн нэгжид итгэмжлэл олгоно:

2.1.1. Монгол Улсын MNS-5831:2007 стандарт хангасан тээврийн хэрэгсэлтэй байх;

2.1.2. тээврийн хэрэгсэл нь гаалийн байгууллагын битүүмжлэл, тэмдэглэгээ тавих боломжтой байх;

2.1.3. тээвэрлэлтийн онцгой нөхцөл шаардагдах барааг тээвэрлэх тохиолдолд тусгай зориулалтын тээврийн хэрэгсэлтэй байх;

2.1.4. гаалийн хяналтад байгаа бараа, тээврийн хэрэгслийг тээвэрлэх үед эрсдэл үүссэн тохиолдолд гаалийн болон бусад татвар хураамжийг төлж барагдуулах санхүүгийн чадавхитай болохыг нотолж, албан бичгээр батагаажуулсан байх;

2.1.5. тээвэрлэгч байгууллага нь гаалийн итгэмжлэлд харшлах зөрчил гаргаж, гаалийн байгууллагын зөрчлийн санд бүртгэгдээгүй байх;

2.1.6. гаалийн байгууллагаас авто тээврийн хэрэгслийн хөдөлгөөнийг хянах боломжийг бүрдүүлэх зорилгоор тээврийн хэрэгсэл бүрт тээвэрлэгч байгууллага нь тээврийн хэрэгслийн байршлыг тогтоох систем /GPS/ -ийг байрлуулах.

2.2. Гаалийн итгэмжлэл авахыг хүссэн аж ахуйн нэгж, байгууллага дараахь бичиг баримтыг бүрдүүлж Гаалийн ерөнхий газарт ирүүлнэ:

2.2.1. итгэмжлэл хүссэн өргөдөл;

2.2.2. тээвэрлэгч байгууллагын улсын бүртгэлийн гэрчилгээ;

2.2.3 гаалийн итгэмжлэл олгоход 2.1-д заасан шалгуурыг хангаж байгааг нотолсон баримт бичиг;

2.2.4. ачаа тээвэрлэх талаар өөр ахуйн нэгж, байгууллагатай байгуулсан гэрээ;

2.2.5. тээврийн хэрэгслийг 4 талаас (эгц урд, ард болон хажуу 2 талаас) нь авсан өнгөт зураг, эх хувь болон файлаар.

2.3. Гаалийн итгэмжлэлийн хугацаа 3 жил хүртэл байна.

2.4. Итгэмжлэлийн шалгуурыг хангаж байвал хугацааг сунгаж болно.

2.5. Итгэмжлэлийг дараахь тохиолдолд хүчингүй болно.

2.5.1 тээвэрлэгч итгэмжлэлийг хүчингүй болгох хүсэлт гаргасан;

2.5.2. тээвэрлэгч байгууллага нь Гаалийн тухай хуулийн 38 дугаар зүйлд заасан үүргээ биелүүлээгүй;

2.5.3. гаалийн хууль тогтоомжийг удаа дараа зөрчсөн.

2.6. Авто замаар тээвэр хийхээр гаалийн итгэмжлэл авсан тээвэрлэгчийн тээврийн хэрэгсэл бүрт “Гаалийн итгэмжлэгдсэн тээвэрлэгч” гэдгийн товчлол “ГИТ” таних тэмдэг байрлуулна.

2.6.1. Таних тэмдэг нь тэгш өнцөгт хэлбэртэй, 4 x 8 см харьцаатай, цэнхэр өнгийн дэвсгэр дээр цагаан өнгөөр “ГИТ” гэж бичсэн байх бөгөөд зүүн дээд өнцөгт Монгол Улсын гаалийн байгууллагын бэлгэ тэмдэг байна. (загварыг хавсаргав)

2.6.2. Таних тэмдэгийн ар талд : Тээвэрлэгч байгууллагын нэр, тээврийн хэрэгслийн марк, улсын бүртгэлийн дугаар, олгосон болон хүчингүй болох огноо бичигдэнэ.

2.7. Гаалийн итгэмжлэгдсэн тээвэрлэгч гаалийн хяналтад тээвэрлэх барааны бүртгэлийг батлагдсан маягтын дагуу хөтөлнө.

Гаалийн ерөнхий газрын даргын
2009 оны 224 дүгээр тушаалын
хоёрдугаар хавсралт

ГААЛИЙН ИТГЭМЖЛЭГДСЭН ТЭЭВЭРЛЭГЧ БАРАА ТЭЭВЭРЛЭСЭН ТУХАЙ БҮРТГЭЛ

Бүртгэл хөтөлсөн
(Гаалийн итгэмжлэгдсэн тээвэрлэгчийн нэр)

Автомашинны улсын бүртгэлийн дугаар
.....

Эхэлсэн огноо

Маршрут

Дууссан огноо

Гаалийн зам

Хугацаа

БҮРДҮҮЛЖ ИРҮҮЛЭХ БИЧИГ БАРИМТЫН ЖАГСААЛТ /Заавар, зөвлөмж 2015.02.05/

№	Бичиг баримтын нэр	Тавигдах шаардлага, тайлбар
1	Итгэмжлэл хүссэн өргөдөл	Тээвэрлэлт гүйцэтгэх замын маршрут, хил нэвтрэх боомт, тээвэрлэлт гүйцэтгэх тээврийн хэрэгслийн тоо, зориулалт, тээвэрлэх барааны нэр төрөл, ямар аж ахуйн нэгж, байгууллагын барааг тээвэрлэх гэж буй тухайг дурьдах.
2	Улсын бүртгэлийн гэрчилгээний Наториатаар баталгаажуулсан хуулбар	Улс хооронд байнгын ачаа тээвэрлэлт гүйцэтгэх үйл ажиллагааны чиглэлээ улсын бүртгэлийн гэрчилгээндээ тусгуулж бүртгүүлсэн байх.
3	Компанийн танилцуулга	Компанийн бүтэц, үйл ажиллагаагааны чиглэл, тээвэрлэлт хийж гүйцэтгэхтэй холбоотой гаргасан дүрэм, заавар, жолооч нарт гаалийн хууль журмуудаас тээвэрлэгчид хамаарах зүйл заалтын талаар сургалт зохион байгуулж, анхааруулдаг эсэх, тэдэнтэй ямар гэрээ байгуулж ажилладаг болохыг дурьдах.
4	Гаалийн газар, хорооны тодорхойлолт	Тээврийн хэрэгсэл гаалийн лац ломбо тавигдах шаардлагыг хангасан эсэх, нэг удаагийн тээвэрлэлтэд хэдэн лац ломбо ашиглах шаардлага үүсэх, GPS тээврийн хэрэгсэл бүрт суурьлагдаж, гаалийн хяналтад ашиглах боломжийг бүрдүүлсэн эсэх, гаалийн зөрчил гаргаж байсан эсэх, тээвэрлэлт хийж гүйцэтгэхэд шаардагдах шалгуур хангагдсан үгүйг шалгаж, тодруулсан тухайг дурьдах.
5	Улс хоорондын ачаа тээвэрлэх гэрээ	ЗТЯ болон Автотээврийн үндэсний төвтэй хийсэн Улс хооронд ачаа тээвэрлэлт гүйцэтгэх гэрээний хуулбар.
6	Автотээврийн хэрэгслийн жагсаалт	Жагсаалтыг энэхүү зөвлөмжийн ард хавсаргасан загвараар гаргаж, автотээврийн хэрэгслийн гэрчилгээ, жолоочийн гадаад паспорт, иргэний үнэмлэхний хуулбарыг хавсаргана. Жич: Жагсаалтад зөвхөн ЗТЯ-ны баталсан гэрээнд тусгагдсан тээврийн хэрэгслийн мэдээллийг тусгах ёстойг анхаарна уу.
7	Фото зураг	Барааг тээвэрлэх тээврийн хэрэгсэлд гаалийн лац ломбо тавьж битүүмжлэх шаардлага хангагдсан тухайг тээврийн хэрэгслийн зориулалт бүр дээр /өнгөт/ фото зургаар харуулна. Жич: Фото зураг нь тээвэрлэлт хийх автомашины хувьд чирэгч толгой болон чиргүүлийг залгаж, зориулалтын хучлагаар бүтээсний үндсэн дээр урд, ард болон хажуу 2 талаас авагдсан байхыг анхаарна уу. Битүү амбааран тэвштэй болон тусгай зориулалтын тээврийн хэрэгсэл байх тохиолдолд хучлага хэрэглэхийг шаардахгүй.
8	Тээврийн хэрэгслийн байршлыг тогтоох системийн тухай танилцуулга	Тээврийн хэрэгслүүддээ GPS системийг байрлуулсан тухай танилцуулга, Гаалийн замаар тээвэрлэлт гүйцэтгэх үед гаалийн байгууллага хяналт тавих нөхцөл бүрдсэн эсэх, системийг ашиглах гарын авлага систем /програм/-д нэвтрэх (www.....) интернет хаяг, хэрэглэгчийн нэр, нууц кодыг дурьдах.
9	Ачаа тээвэрлэх талаар өөр аж ахуйн нэгж, байгууллагатай байгуулсан гэрээ	Ачаа бараа тээвэрлүүлэгч /захиалагч/-тэй байгуулсан гэрээний хуулбар. Жич: Гэрээнд тээвэрлэх барааны нэр, төрөл, ачаа тээвэрлэлтийн зардал тодорхой тусгагдсан байна.
10	Татвар, хураамж төлж барагдуулах баталгаа	Гаалийн хяналтад байгаа барааг тээвэрлэх үед эрсдэл үүссэн тохиолдолд гаалийн болон бусад татвар хураамжийг төлж барагдуулах тухайг дурьдсан албан тоот.
11	Санхүүгийн тайлан баланс	Сүүлийн улирлын тайлангийн хуулбар. Жич: итгэмжлэл авах тээврийн хэрэгслийг үндсэн хөрөнгөд бүртгэсэн баримтаа хавсаргана.
12	Даатгалын байгууллагын тодорхойлолт	Ачаа тээш, автомашин, жолоочийн хариуцлагын даатгал хийгдсэн тухайг дурьдсан даатгалын байгууллагын тодорхойлолт.
13	Татварын байгууллагын тодорхойлолт	Татварын өрийн маргаан үүсээгүй байх. Жич: Татварын өрийн маргаантай тохиолдолд ГИТ-ийн зөвшөөрөл олгох асуудлыг маргаан шийдвэрлэгдэх хүртэлх хугацаанд хойшлуулах шаардлага үүсэхийг анхаарна уу.
14	Флаш	6 болон 7 дугаарт бичигдсэн баримтын файлыг флашинд давхар хуулж ирүүлнэ.

Жич: Бүрдүүлсэн бичиг баримтаа энэхүү зөвлөмжийн ард хавсаргасан товъёогийн дагуу бүртгэн байрлуулж, хавтаст хийж ГЕГ-ын бичиг хэрэгт ирүүлнэ.

**ГААЛИЙН ИТГЭМЖЛЭГДСЭН ТЭЭВЭРЛЭГЧИЙН ЗӨВШӨӨРӨЛ
ОЛГОХЫГ ХҮССЭН /Тээвэрлэгч/ АЖ АХУЙН НЭГЖ, БАЙГУУЛЛАГЫН
БҮРДҮҮЛСЭН МАТЕРИАЛЫН ТОВЬЁОГ**

.....он.....сар.....өдөр

А	Хүсэлт гаргагчийн нэр:	Регистрийн дугаар:	Үндсэн харьяалал, хаяг		
Б	Тээвэрлэлт хийх замын маршрут:	Гаалийн заавар зөвлөгөө өгөх, тээвэрлэлт гүйцэтгэх үед хяналт тавих гаалийн газар, хорооны нэр:			
В	Тээвэрлэлт гүйцэтгэх тээврийн хэрэгслийн тоо:		Улс хоорондын тээвэрлэлт гүйцэтгэх гэрээ:		
	<i>толгой</i>	<i>чиргүүл</i>	<i>дугаар</i>	<i>огноо</i>	<i>хугацаа</i>

№	Бүрдүүлэх материалын жагсаалт	Баримтжуулалт		
		<i>Дугаар</i>	<i>Огноо</i>	<i>Хуудасны тоо</i>
1	Итгэмжлэл хүссэн албан тоот			
2	Улсын бүртгэлийн гэрчилгээний хуулбар			
3	Компанийн танилцуулга			
4	Гаалийн газар, хорооны тодорхойлолт			
5	Улс хоорондын ачаа тээвэрлэх гэрээ			
6	Автотээврийн хэрэгслийн жагсаалт			
7	Фото зураг			
8	Тээврийн хэрэгслийн байршлыг тогтоох систем /GPS/-ийн тухай танилцуулга			
9	Ачаа тээвэрлэх талаар өөр аж ахуйн нэгж, байгууллагатай байгуулсан гэрээ			
10	Татвар, хураамж төлж барагдуулах баталгаа			
11	Санхүүгийн тайлангийн хуулбар			
12	Даатгалын байгууллагын тодорхойлолт			
13	Татварын байгууллагын тодорхойлолт			
14	Флаш			
НИЙТ ДҮН				

Г	Холбоо барих ажилтны нэр, утас			Email хаяг

ЗАХИРАЛ...../...../

Тамга,

гарын үсэг,

овог нэр

.....ХХК-ИЙН ГААЛИЙН ИТГЭМЖЛЭЛ АВАХ АВТОТЭЭВРИЙН ХЭРЭГСЛИЙН ЖАГСААЛТ

Д/Д	Автомашин ерөнхий мэдээлэл										Чиргүүлийн мэдээлэл					Тээврийн хэрэгслийг хариуцах жолоочийн мэдээлэл				
	Улсын дугаар	Марк	Модел	Тэнхлэгийн тоо	Арлын дугаар	Даац кг-р	Өөрийн жин /кг-р/	Суудлын тоо	Өнгө	Үйлдвэрлэсэн огноо	Улсын дугаар	Арлын дугаар	Даац /кг-р/	Өөрийн жин /кг-р/	Үйлдвэрлэсэн огноо	Овог	Нэр	Паспортын дугаар	Регистрийн дугаар	Хаяг

ЗАХИРАЛ...../...../

Тамга, гарын үсэг, овог нэр

Энэ жагсаалтыг үйлдэхдээ дор дурдсан зүйлийг анхаарна уу.

Жагсаалтыг Excel файлаар, Times New Roman 9 фонд, цаасны байрлал А3 Landscape ашиглан бичнэ.

Жолоочийн овог нэр, регистрийн дугаарыг түүний гадаад паспорт дээрээс харж бичнэ.

Марк, модел, загварыг Англи том үсгийн шрифтээр бичнэ.

Улсын дугаарыг 5865УНБ гэх мэт байдлаар шахаж бичнэ.

Даац, өөрийн жин хүснэгтэд жингийн хэмжээг 60000 гэх мэт байдлаар кг-д шилжүүлсэн мэдээллийг бичнэ. Ингэхдээ ард нь кг гэсэн хэмжих нэгжийг бичихгүй.

Арлын дугаарын үсгэн кодыг том үсгээр бичнэ. LBZ742NB01A000665 гэх мэт.

